


Pintora Lislaine Bermudez:

“Den 2014 mi a pinta 57 pintura”



ORANJESTAD – Aña pasa, Bon Dia Aruba a entrevista e pintora hoben Lislaine Bermudez. Reflexionando riba su aña artistico cu tabata 2014, e ta conta cu el a pinta 57 pintura di cual 50 tin doño caba.

Sra. Bermudez ta conta cu den 2014 e tabata tin hopi inspiracion. E ta conta cu pa motibo cu ora e entrega e pinturanan den un papel di regalo, hende ta actua sorprendi ora nan haya nan paso

aunke nan a paga pa esaki e ta manera un regalo pa nan mes. Practica hopi, a haci tur e diferencia pa sra. Bermudez. Segun e, e ta wak un mehoracion hopi obvio den su trabao desde tempo el a cuminsa pinta 3 aña pasa. E miho experiencia di 2014 pa su persona tabata wordo scogi como un di 5 iconnan di telefon pa hubentud en conexion cu e lansamento di nan app nobo.

Tocante Bermudez
Manera Bon Dia Aruba a



publica prome, pinta pa sra. Bermudez ta bin mes normal cu hala rosea. Den e edicion anterior el a conta cu pinta pa su persona ta un manera di comprende locual e ta sinti. Bermudez actualmente tin 23 aña. El a conta cu desde chikito semper e tabata gusta pinta masha hopi mes, pero semper e tabata pinta riba papel. Actualmente 3 aña ta pinta riba canvas. E tin un pagina di Facebook caminda e ta pone su pinturanan asina e ta logra haya clientela. Bermudez ta conta cu mayoria di su clientenan ta hende cu ta haya e pa medio di Facebook. Actualmente e ta haciendo su best pa e haya mas experiencia den mundo di pintura. E



ta admiti cu e ta duro, ya cu e ta traha tempo completo y e ta studia tambe. “Pero unda tin un deseo, tin un caminda,” Sra. Bermudez a bisa. E semper ta pone tempo pa por pinta. Bermudez a subraya cu e tin hopi plan y idea pa futuro. Un di su soñonan mas grandi ta pa un dia tin su mesun studio di arte y un galeria cu tur su pinturanan. Asina e por laga algo atras y keda pone hende smile.

Sra. Bermudez a conta cu

locual ta inspira su persona masha hopi mes ta tur locual cu ta rond di dje. Manera entro otro naturalesa, color, cantica. Cualquiera cos cu gara su atencion. E ta bisa cu e ta un persona cu gusta observa y pensa. Asina su imaginacion por cuminsa draai pa crea un pintura. Tambe tin un persona special den su bida cu ta inspira su persona. E ta considera e persona ey e motibo pa cual e ta haci locual e ta haci awe. □